



石室先生丹淵集卷第六

文同著

詩四十首

和仲蒙石龍渦

群岡壓涇湄於此聚衆首其間石屋露遠視若呀口  
林端躡繩上却入勢愈斗圍空豎古壁闊可百人受  
洪鍾誰倒仰巨甕忽側剖層岩寒泉飛絕巘怪樹走  
陰風喜復怒野霧吞且嘔晴嵐逼衣襟欲住不得久  
嘗聞耕者說自昔藏蚘蠃當年救旱事有記刻不朽  
近歲靈恐歇百禱無一偶至今閭里人不復來奠酒

和仲蒙山城

大曆年忠武居幽捍逆氏盛平民營板堵斷賊閑遠  
蹊連櫓橫朱鳥飛墻切紫霓縈紆圍絕巘靡迤附深  
谿外瀆池隍險旁聯堡障絃轅輜防藺石埤塊礙雲  
梯樹杪鳴巡鐸崖端響守輦石頭何培塿龍首太醯  
雞歲久蒼苔上時平白草齊全秦襟帶地惟此壯山  
西

和子山春日雨中書事見寄二首

蕩蕩冥冥雨氣沉一春長是詠春陰驚歸畫棟簾櫳  
靜鷺下雕欄院宇深闌草玉釵應復約看花金勒悞  
重尋謝郎風調將誰奈獨倚書床擁鼻吟

其二

青春已破六十日正好共携歌管遊鶯花有意欲惱  
亂風雨何事相淹留南園絲柳映綠樹西湖畫舫臨  
清流幾時雲陰得歛霽願把一罇相獻酬

馬子山爲余與賀順之書記李仲象察推同  
年同幕作題名記復有詩督程適之書石余  
因和兼謝

太常舊得同科第幕府今還次姓名作記馬周文已  
贍書丹程邈隸尤精定知二美能傳久從此三家覺  
轉榮每對雄詞覲健筆自慙孤迹附群英

官舍春日書懷二首

自趨戎幙佐鞬橐四見新陰發舊柯學飲不成歡意  
少好吟無倦苦心多舞傷池柳風圖甚泣破庭蘭雨  
柰何敢對青春歎畱滯且須開口更狂歌

其二

琵琶泉水碧溶溶又見春歸玉柱峯歡緒已闌羞老  
大交期將近懶遊從杏開暖萼融紅蠟柳放晴花折  
白茸賦得上林佳景盡不知誰爲薦臨邛

登邠州城樓

試此望搖落秋襟成惘然客懷傷薄莫節物感窮邊

斷燒侵高壘微陽入晚川年來舊山意常與鴈翩翩  
秋盡日陪諸友登白佛閣

危刹隱高阜孤軒橫碧虛登臨賞秋杪笑傲樂公餘  
野外景入畫坐中歡可書重城已嚴鑰歸馬尚踟躕  
極寒

燈火宜冬杪圖書稱夜長簾鈎挂新月窻紙漏飛霜  
酒醴慙孤宦皮毛逐異鄉誰知舊山下梅艷滿東墻  
謝惠橘

緜菜隱朱實纍纍楚江滋寒香摘清露奔走寄迢遞  
琳腴滿金殼咀嚼想佳惠君未致此時風已吹削肺

登山城書事

節物感羈旅連空生塞陰  
亂鴻寒堵遠群雀晚叢深  
霜重涇灘出烟高隴樹沉  
歲華徒自老幽憤滿登臨  
送夏殿直時婚於李璋太尉  
霜樹東門曉清寒滿客衣  
一樽從此別百兩幾時歸  
漆水魚初薦梁園雪正飛  
高堂今遠郡須念報春暉  
送錢規判官歸蜀覲親遂之岳陽

巖風吹玉柱有客動歸裝  
古道轉危阪全家行曉霜  
休嗟遊薄宦且喜拜高堂  
會合知何所春江泛楚艎  
和梨花

素有靜相依清香暖更飛  
笑從風外歇啼向雨中歸  
江令歌瓊樹甄妃夢玉衣  
畫堂明月地常此惜芳菲

山櫻

巖壁自叢叢年華寂寞中  
偶因移曉雨似欲占春風  
嫩葉藏輕綠繁葩露淺紅  
孤根知幸否從此對雕櫳

秋子

裊裊復翻翻封條壓樹繁  
群芳菲姊妹亂實見兒孫  
蔭日臨虛檻披風拂短垣  
主人無奈爾常爲醉幽軒

桃花

種近短牆邊開臨小檻前  
倚風無限意笑日有餘妍

枝輒圍深密苞穠墮碎圓祗應芳樹下時見武陵仙  
杏花

仙杏一番新妖饒洗露晨待粧憂粉重欲點要酥勻  
月淡斜分影池清倒寫真君須怜舊物曾伴曲江春  
秋日寄呂永壽微中

落日照容谷寥然官署秋開簾臨絕巘凭几對寒流  
古意深中得詩中靜外遊三年多少景湍篋是冥搜  
吟春

春工運潜巧是處有行迹庭梢發新穎巖溜融暖脉  
晴湖影揆刺曉樹音格磔須知玉峯下日有尋芳客

琵琶泉

險道入幽邃深溪轉岑寂蒼烟入孤岩秀石圍斷壁  
古蘚甃必潤寒泉灑清滴誰能厭塵襟茲可供洗滌  
和子山種花五首

風流從事季長家逸徧官居種尽花應爲清才無比  
敵擬將文彩競春華

其二

碾薄我圓粉色勻一枝寒艷惱青春曉來帶雨四廂  
下恰似蓬萊見太真

其三

曾宴瓊林爛熳紅寶津樓下看春風今朝忽向君家  
見猶憶當年醉眼中

其四

幾樹山櫻曲檻前花開如火菜如烟待將短句誇形  
似已被休文道欲燃

其五

新自涇州趁雨移便開繁萼擁芳枝紅霞照地清香  
起似到玄都觀裏時

和張屯田雪中朝拜天慶觀二首

款款遙空墮碎瓊一街寒色曉風清題輿想入蕭臺

下似駕飈輪向玉京

其二

寶幢朱節共玲瓏九虎嚴關有路通遙望玉宸端象  
簡宛然身在廣寒宮

送酒與呂令荅所示詩二首

君無彭澤五十畝我有謫仙三百盃聞道山中足春  
意滿壺聊爲撥新醅

其二

見說西溪裏群花艷正繁不知紅影下誰共醉芳罇

初雪

一色陰雲蔽曉空  
粉英瓊屑亂茸茸  
不知遊騎將何處  
已失南城玉樹峯

對雪獨酌

雲陰低重玉花繁  
獨擁貂裘對一樽  
不語佳賓是何物  
古書名畫滿西軒

槐莊渡口

雲烟飄泊樹微茫  
一岸人家帶夕陽  
欲向高原便回首  
可憐風物似吾鄉

約春

去歲相違恨已賒  
今年相遇喜無涯  
紅情綠意知多

少盡入涇川萬樹花

和子山陪使君遊西湖三絕正月晦日

柳色遶堤金粉明  
湖光浮岸玉烟輕  
風柔日薄恰新霽  
正好訪春來此行

其二

遊騎翩翩從使君  
娛賓亭上宴西曛  
座中不用頻辭酒  
明日青春已一分

其三

滿眼垂楊照綠波  
就中春意此先多  
不將歌管酬佳景  
擬奈翠漪堂上何



探春

幽郊寒重勒春遲消息如今尚未知只是垂楊最先  
得每朝來覓向東枝

春寒

東風何事力猶微凜凜邊寒犯客衣舊雪未消新雪  
下南園春色幾時歸

六卷終

石室先生丹淵集卷第七

文同著

詩四十首

新秋讀書

高風發遠籟轉響為清商陰曦減炎威未晚先自涼  
庭前碧桐樹昨日聞早霜朝來逐菜上已暈一拂黃  
壯歲覺時節燿若翻電光自顧勿嗟惋徒然攬中腸  
官居幸少事署案日幾行公退清且閑垂簾坐虛堂  
解帶輒傲兀左右羅縑細所務唯討論一燈從夜長

貧士行

側身入窮閭跼影守環堵日高齒未嚼風勁肝犹露

胡爲迫凍餓此道吾所素出每駕雞棲歸仍伏龍具  
原生本非病董子蓋不遇誰將斗升水活此輒中鮒  
不見裏糧人欲死者亦屢徒自諷詩書區區立名譽

馮氏道中早行

畏暑事晨役高原動征羈遙遙歷廣博浩浩長風吹  
踈星才出沒河漢西南垂林端啟明上飛光發丹曦  
熒熒洒晴露百物含華滋爽氣入肝鬲宿濁無一絲  
寒泉漱清甘洗滌俗慮遺還憂火輪怒萬里燒雲陸  
宿李同年蔭碧亭時自長安慮囚屬疾

抱病出煩闐投此青林間高軒得清涼坐致精爽還

主人止之宿借與終南山中宵皓月起繞枕皆孱顏  
望久氣自清心胷無結頑平明又西走勝軌不可攀

李生畫鶴

昂昂青田姿杳杳在輕素一身萬里意雙目九霄顧  
彭彭羽翮利竦竦骨節露君初本誰學我恐必神悟  
得於想像外看在絕筆處稷筮如復生相與較獨步

幽州

抱黃粉苔上鷺來啣綠泥兩行高梧初蔭合一番新  
草恰生齊微禽已識幽人意飛下攔干向裏啼

過永壽縣

驅馬上危坂暮鞭搖客愁峯巒驚滿目咫尺擬回頭  
紅樹擁野店白雲藏縣樓須知此北下地底見幽州  
杜老有幽郊入地底之句

### 東谷偶成

府事幸稀簡常為東谷遊舊山茲髣髴佳景每遲留  
斷續溪雲起縱橫野水流拂衣知未得聊此慰鄉愁  
宜祿昭仁寺後軒

危欄憑絕壑欲奈此時何但有夕陽處就中秋色多  
與誰同徒倚空自發吟哦便覺成羈旅歸心逐鴈過  
過高壠城

頽壁乍高低中間已亂蹊長原想鵝鶴大塚記鯨鯢  
黯澹寒雲結簫疎野草齊興亡盡遺迹立馬看扶犁

### 夏日翠漪堂

湖水碧溶溶寒漪四望通龜魚遊浩渺鳧鷖下虛空  
爽氣吟窻外清光釣艇中一襟時自快多謝此軒風  
玉峯園經春不得一過因成詩呈同官約遊  
春來少嬉遊俗事日相耗南園只城外累月不一到  
花香兩後歇樹色風中老惟有崑下泉猶能滌幽抱  
送張兢無悔秘校赴調

無悔富道誼卷藏無所施端笏拜上官十年走塔堦

人歎爲嗟惋君獨安且怡又執考書去當衡誰與知  
六月十日中伏玉峯園避暑值雨

南園避中伏意適晚忘歸牆外谷雲起簷前山雨飛  
興餘思秉燭坐久欲添衣爲愛東嶠下泉聲通翠微  
咸陽道上晚晴有作

積靄晚盡散南山明夕陽秋容徧豐鎬古恨入隋唐  
草木咸搖落風烟自渺茫客亭須下馬把酒慰殊鄉

歲晚登清素院北閣

雲端訪古寺樹杪臨危閣風厲懾草木霜乾喜鷓鴣  
天時既悽慘人意亦寂寞回念故山遠心隨日西落

炭泉險道

一澗呀然截亂峯更於何處問途窮高深出井又入  
井曲直上弓還下弓絕底下臨渾偈仄危巖纔徹似  
飛冲我来行縣須經此正在炎炎三伏中

玉峯園避暑

伏日當飲酒南城會群賢開樽蔭碧樹移席臨清泉  
浩意脫塵土高懷軼雲烟早歸休信俗須待月娟娟  
早起覽物成詠

移枕出幽幌披衣步前楹秋容草木靜曉氣烟雲輕  
蟬噪宿露滴鴈飛朝霞明塵心幸未動聊此納餘清

寄馮永州

山水永最善守居聞更優烟雲萬石古風月久岩秋  
几案少俗事壺觴多雅遊無因陪後乘幽意滿湘流  
暑夕待月庭下夜深方歸

晝蠅方少夜蚊多搔脫霜紈奈熱何獨向庭中待明  
月一身清露瀉金波

中伏日諸君會玉峯余以病不預作詩寄呈  
去年中伏在南園同聽清泉引綠樽今日諸君又高  
會獨嗟移疾臥西軒

興平原上赤熱因寄永壽同年

日午終南翠色燃滿襟飛土下秦川是時獨想君高  
尚正在山亭弄野泉

亭口

林下翩翩鴈影斜滿川紅葉映人家岩頭孤寺見橫  
閣有客獨來登暮霞

淺水原

鶉觚西此地鱗鱗此處當年起戰塵見說如今溝壑  
下斷鋒殘鏃屬耕民

興平原上

東西車馬走秦川擾擾飛塵混曉烟我亦中間遊宦

者尚慚無語賦歸田

西湖荷花

紅苞綠葉共低昂  
滿眼寒波映碧光  
應是西風拘管  
得是人須與一襟香

石龍渦

嶮勢圍空斷壁圓  
四時常見聚雲烟  
為霖救旱今何在  
徒有遺文記昔年  
有李壞人記備述禱雨有驗之事

水渰

紅芳霄露清翠節  
曉霜犯雨後曬殘日  
秋容滿庭楹

黃蜀葵

錦江何日別漆水  
今朝見清露染顏色  
秋鵝一分淺

鼓子千菜者

柔條長百尺  
秀萼包千菜  
不惜作高架  
為君相引接

鄆上懷古

未曉南山去  
從禽夜不歸  
凡行多少地  
十二野更衣

石竹

蜂齧紅葉爛  
蟲啼碧葉短  
秋風畧地起  
惟有蒼

七卷終

樂陽副副氏李

瑞刻

新刻石室先生丹淵集卷第八

宋尚書司封員外郎充秘閣校理新知湖州軍州  
事兼管内勸農事上輕車都尉文同著

詩五十一首

邛州東園晚興

公休時得岸輕紗門外誰知吏隱家  
鬪鴨整群翻荇菜乳鳥無數墮松花  
携琴秀野彈流水設席芳洲詠落霞  
向晚雙親共諸子相將來此樂無涯

秀野芳洲  
仁亭名

雨過側調

陰車飛空載急雨雨過林塘若新換  
檉花浮波魚誤

食松子落屋烏驚彈白雲挂樹久不起青煙泊草殊  
未散東園傲吏愛高竹把卷倚風頭髮亂

題象耳山寺

轉谷縈巖路始窮隔林遙望一門通溪山俱在見聞  
外臺殿盡藏懷抱中像閣果愚明海日經幢瓔珞撼  
天風勞生又逐輕舸去珍重高僧解苦空

題晉原舒太博清谿閣

危閣飛空羽翼開下蟠波面影徘徊先搖畫板月深  
淺聲遠曲欄風往來暝色四郊煙蒼莽曉雲千嶂雪  
崔嵬主人好事民無訟日夕登遊對酒杯

縣樓獨酌

向晚無公事身如太古閑縣樓明夕照罇酒對南山  
放意利名外遊心天地間生來不能飲到此學酡顏

殘秋郊外

蕭蕭風色弄寒威見盡郊原向晚暉昨夜星霜和月  
落湍林紅葉隔煙飛已嗟北渚蓮初老更惜東籬菊  
漸稀休感歲華傷節物眼前罇酒重相違

郊外

城市豎塵土高原聊振衣晚雲多淺碧秋樹半深緋  
江氣雜輕靄山光月落暉因成求好景更就野橋歸



靜林詩僧已老

七十吟中老清風滿舊林倚筇秋岸遠圍衲夜房深  
未得雲空在將成月已沉生平苦如此誰是識師心

高堂山堯率寺

孤絕不可狀此山餘舊聞因官多暇日與客到深雲  
門外一塵斷座中千里分勞生當自去繚繞下西曛  
閑居院上方晚景

繞岩縈谷到禪扃更上危巔最上亭風攬亂鷗盤古  
木雨催群鷺下寒汀秋田溝壟如碁局晚岫峰巒若  
畫屏詩已就成終夕去遠村燈火一星星

李道士惠琴軒集二首

驅役精魂入大幽滿編竒絕盡冥搜不教天地畧  
隱應與鬼神同訪求海藏光茫開寶玉羽林鋒刃立  
戈矛蕭臺自好携歸去莫向人間苦暗投

其二

壽寧孫老畫壁下當日偶同君此行是時衆裏畧一  
揖自爾乃得君詩名風馳雨絕十五載此地忽爾相  
逢迎見投琴軒兩大集寶匣金鑰絨瑤瓊未開試使  
道所有毛髮寒豎肝膽驚歸來燒燈讀曉句險字硬  
才力穉君身長不滿三尺萬象何術獨手擎嗟我氣

俗音韻淺不敢與君相和去鳴聊書短歌報佳惠它  
日願將朝七瓔

彭山縣居

公館靜寥寥園亭景物饒溪光明短竹樹影蔭危譙  
山鳥忽雙下池魚時一跳主人王事簡文酒日逍遙

下金雞山

峽束幾重煙山分數尺天岩猿與溪鳥一似過飛仙

過金雞關

關頭氣象古関下風煙淡春深草木活嵐重坑谷暗  
禽聲著部奏花色成窠勸歸鞍若水晉此亦能暫

夜靜獨登小閣有所見因書

危閣橫空蔽野扉夜深來上以忘歸水光激灑和煙  
動雲色襜褕夾月飛隔岸葦村聞笛遠背灣松塢見  
燈微此間自得吟中樂不覺霜華滿盡衣

送黃夢得

去年輕舳過巫山今日羸駝度劍關孤客每嗟隨斷  
梗慈親常把夢連環蘭陔歲晚雖堪采桂窟春深正  
好扳決取榮科歸舊里板輿迎侍且承顏

送郭方叔南充簿

六月東山道炎風滿去鞍譙周之舊里仇覽此初官

簿領無煩壅圖書好燕安清朝名路闊慎勿學長歎  
送張郭秀才赴舉

二子共齎刀翩翩去意豪負才皆萬選入手定雙高  
上道梅薰袖還家草映袍須知本鴻鵠終不在蓬蒿  
謝人寄蒙頂新茶

蜀士茶稱盛蒙山味獨珍靈根託高頂勝地發先春  
幾樹初驚暖群籃競摘新蒼條尋暗粒紫萼落輕鱗  
的皜香瓊碎鬢髮綠蠶勻慢烘防熾炭重碾敵輕塵  
無錫泉來蜀乾嶠盞自秦十分調雪粉一啜噉雲津  
沃睡迷無鬼清吟健有神冰霜疑入骨羽翼要騰身

磊磊真賢宰堂堂作主人玉川啖吻溢莫惜寄來頻  
謝許判官惠茶圖茶詩

成圖畫茶器滿幅寫茶詩會說工全妙深諳句特奇  
盡將爲遠贈畱與作閑資便覺新來癖渾如陸季疵  
雨後看山因憶黃世南先生詩以相招

新霜夜落群梢鳴群風刮天爲早晴南山向曉盡張  
列頽嶺斷怪當空橫開軒一見喜無量走上高閣臨  
飛甍層欄倚遍不能下狀貌秀活圍雙睛奔騰遠近  
若波浪愛極擬去中間行此時只恨少佳客相共叫  
笑誇崢嶸我思黃子者奇士趣向超越無俗情手提

詩筆如椽大到處詠物物有名我今此縣頗幽僻復  
在歲抄天氣清溪中魚蟹易尋覓林下梨栗新双盛  
子如訪我住旬浹此品可備盤與觥遂馳僕馬去邀  
子願子爲我聊出城私心不獨徒見子亦願播此山  
之聲子如不見不爲詠可惜此山虛此生

送楊議卿赴舉

寒日照殘樹新霜結衰草有客奉高薦策馬奔遠道  
聲名近轉大文字素已好壯歲雖可恃榮科亦宜早  
勉自報春暉高堂新髮老

和楊仲軻春難度三首

春難度紅梢梢尋縷縷朝披煙暮結雨勸君飲酒莫  
用訴春難度

其二

春難度歌滿闕酒萬舉猴欲破腸欲腐風光滿天已  
不暮春難度

其三

春難度池浮花墻攪絮枕書睡樹陰午日長幾何萬  
丈許春難度

和何靖山人海棠

爲愛香苞照地紅倚欄終日看芳叢夜深忽憶高枝

好把酒更來明月中

訪李真山人隱居

多暇無所適故來尋隱君  
寒開墜屋樹觸散捲門雲  
狀貌不妨古言談何太文  
令人重高趣歸去每斜曛

冬晚書事

倚杖立亭臯寒威向曉豪  
雪乾山色老風列樹聲高  
殘日下鷓舞孤雲一鴈跏  
自然成感物不覺首重搔

晚次江上

宛轉下江岸霜風繞人衣  
翩翩渚鴻墮冉冉林鷓歸  
前壑已重靄遠峯猶落暉  
孤舟欲何處劃浪去如飛

十月梅花

十月凍墻隈  
英英見早梅  
應從九地底  
先領一陽來  
紫膜紛紛脫  
黃膚迤迤開  
得風渾自變  
與雪欲成堆  
細暈輕檀口  
濃粧膩粉腮  
月娥身解寫  
青女手能裁  
冷豔浮冰沼  
清香溢玉杯  
只憂融乳酪  
不惜露瓊瑰  
避妬情堪重  
禁寒術可猜  
有誰憐寂寞  
盡日獨徘徊  
共語誠無計  
將題耻不才  
東隣夜夜客  
莫放笛聲哀

吉祥院

歌危一逕通  
下馬轉深叢  
便是塵寰外  
可憐煙塢中  
修篁寒滴雨  
老柏靜吟風  
日暮庭前樹  
歸鷓自遶空

書鶴鳴化壁

晚氣陰陰別作寒夕陽林下動歸鞍忽然人報後山  
雪更上上清宮上看

題鶴鳴化上清宮

秘宇甃孱顏飛梯上屈盤清流抱山合喬木夾雲寒  
地古芝英折岩秋石乳乾飈輪遊底處空自立層壇  
寄題何靖山人隱居

門外鋪寒水墻頭立好山先生忘勢利高隱寄中間  
息鷲應同樂煙雲已共閑幾時能少暇携酒到松關  
寄楞嚴大師

錦官城裏寺一室若雲峯水縮秋吟鼎霜底夜講松  
住齋塵入鉢出定蘚生筇曾聽三摩義居常夢曉鍾

揖山閣

一問此孤高蒼蒼欲上摩有時臨縹緲畫日對嵯峨  
絕底秋陰重危層晚照多無由從隱者空自愧雲蘿

杳杳堂

杳杳堂柯者余常此養愚放身依曲几忘慮若枯株  
在老題書冊喬松列畫圖客來休見問非爾識于于

安仁道中早行

行馬江頭未曉時好風無限滿輕衣寒蟬噪月成番

起野鴨驚沙作隊飛  
揭揭酒旗當岸立  
翩翩魚艇隔灣歸  
此間物象皆新得  
須信詩情不可違

竹閣

回廊抱會閣蕭然深  
且虛畫欄憑曲曲  
高竹愛踈踈塵滓外  
不到衣襟清有餘  
每來聊自適幽意滿  
琴書

尋春

馬行如疾輪十里去  
尋春益益日光麗  
鮮鮮雲色新樓臺出  
花木道路夾松筠  
欲買前村酒陶然作  
醉人太博孫公遊火  
井因寄

七盤雲道與雲浮  
下見高林壓縣樓  
覽景莫能陪後

乘臨風空自憶前遊  
已間去日謀詩席更  
羨歸時就釣舟好句  
定知酬不得盡將奇  
詭入冥搜

野居

林下覽清曠此懷殊  
不羈散行輕幘便  
獸酌小甌宜自可追  
三樂何須作五噫  
在情歌笑外紛擾  
竟何爲

面川亭

幽亭最孤絕直入亂  
叢間近晚獨來此  
有誰相與閑卷簾  
通大野臨檻數前  
山便欲教携酒陶  
然踏月還

南亭

晚衙初散吏人歸  
獨立南亭着道衣  
淺酒小詩聊自

樂此心渾欲外輕肥

北郭

繞樹垂蘿蔭曲堤  
暖煙深處亂禽啼  
何人采此共携酒  
可惜拒霜花一谿

讀史

不得熒陽遂失秦  
始知成敗盡由人  
可憐一擲羸天下  
只使黃金四萬斤

夜學

已叨名第雖堪放  
未到根原豈敢休  
文字一牀燈一盞  
只應前世是深讐

畫眉禽

盡日閑牕生好風  
一聲初聽下高籠  
公在事簡人皆散  
如在千崑萬壑中

鸞

濃染羽毛深畫眉  
曉來風日正晴時  
只應自道新聲好  
啼遍後園花萬枝

佛頭

地名也此中山水絕佳

公暇常來此處遊  
碧波蒼巘解相留  
翩然又向城中去  
回顧溪山只自羞



石室先生丹淵集卷之九

文同者

詩三十五首

和子平弔猿

去年汶山花平僧求得匡猿遠相寄來時性野已馴  
熟矯捷輕便殊可喜呼來遣去會人語一成已絕歸  
山意置之眼前看不足解去條索令自恣月明木杪  
倚風嘯天暖花陰向陽睡兒童圍繞宿客惜倒挂橫  
跳銜嬉戲豢夫每日費提舉未始時節虧飲飼前時  
忽來報之病抱立塔前自臨視與之柿栗不肯顧局

脚埋頭交兩臂毛焦色暗肉孿縮斗覺精神變憔悴  
尋常忽然遇小疾不過蜘蛛噉三四咽喉才下即無  
恙何此不効况頻餌今朝霜風冷入骨早遣之問云  
已斃人情不免為傷但退自悔恨中且愧重巒複袖  
本其樂大薄長林違爾志苦將韁鎖強維繫不究天  
年良有自遣人包裹瘞深僻不使筋骸屬螻蟻西隣  
子平最好事聞之搏髀歎無已再三慘怛來訪問師  
作長篇踰百字其詞讀之甚悽愴亦謂一鬱歎其死  
復推物理重相慰聚有散無皆偶爾把之庭下讀復  
讀仰望高株一歎歎

和子平悼馬

生來未常畜良馬近得此駒誠可嘉骨節樞竒毛肉  
好此種無乃貞渥洼健蹄駉駉穩而疾歷目一過如  
飛霞自歸官下少出入惟是芻粟意轉加前時相期  
好天色徃返百里馳平沙誰謂兵奴踈其足針烙熨  
裏成癥痂立多氣毒憤入肺雙膝攢縮兩鼻呀庸工  
謬藥以不効倒死櫪下鬃髻散惟一區瘞以贈惜  
爾命薄如菱花子平平時最愛爾對客滿坐常洪誇  
今朝見爾忽斃陪重以好詩形歎嗟余逐貧官職  
小此馬豈合居余家從今但只跨欵段壞轡破鞍仍

短榻

冷餅

海南有陶器質狀矮而橢云初日炙就鍛鍊不以火  
水壺醜突兀酒甕肥磔砢山壘頸微腫石鼎足已跛  
圓如鴟夷形大比康瓠顆華元腹且蟠生莽口何哆  
蕃胡入中國萬里隨大舸携之五羊市巾匱費包裹  
侏儻講其效瀉辯若炙輶課以沸泉沃水雪變立可  
炙敲瘵中渴其用豈么麼君凡幾錢得不惜持遺我  
曾將對佳客屢試輒亦果勿云遠且陋幸可置之左

中秋夜試院寄子平

憶初我来時夜色如墨障心常念明月幾日西南上  
松梢倚樓角一袂偃相向漸見輪中物依稀吐形狀  
今宵東嶺外灑灑金波漲人間重此夕一歲彌佳賞  
而我督秋試鑱宿密如藏細務紛滿前約束甚鞿鞅  
無由奉朋侶徹曉坐清曠之人富才華筆力矯且壯  
誰陪把罇酒露下與酬唱南牆咫尺地使我起遐想  
人生此良會可惜已虛放獨立中夜歸俛首入書幌

贈城南觀音院菴主廣師

簿領日嬰簿紛然汨幽襟駕言出城南聊欲清此心  
平岡見淨刹石徑鬱以深中有苦空人峭健音骨森

十年一卷下形迹了莫尋兀如擁敗褐口吐衆妙音  
時下寂照堂聲絕響亦沈默矣蓋自得其誰知少林

送韓震都官監渭州酒韓近悼亡

士師每失官未始有憂愠園吏既喪婦何嘗復嗟憤  
二子道義勝一與天理順之人乃其徒心迹兩相近  
區區赴窮塞而使賣官醜骨中浩然者俗口不得問  
將軍此開府遇士以恩信若訪禦戎策請爲講三陣  
時仲儀帥渭

成都楊氏江亭

汀州煙雨卷輕霏遙望軒窓隱翠圍萬嶺西來共曉

色一江南下載晴暉鳧鷖慣入闌干宿魚蟹長隨舴  
艋歸我亦舊多滄海思幾時如此得苔磯

漢州王氏林亭

短竹疎籬入野扃竹烟松露滿襟清奔湍激險飛寒  
響弱蔓穿深挂晚英惜去更觀曾畫壁記來重注雋  
題名門前便是紅塵道誰肯同過洗俗纓

春雪呈知府龍圖

朧朧玉魄沉霄彩蕪蕪瑤花破曉陰和氣所蒸綠異  
政豐年之兆慰群心畫樓捲白歡聲洽遊騎障泥榮  
意深太守安閑民訟息錦城無限好園林

同蘇秘丞子平登延暉故亭

城端有亭餘故基吏曰舊榜題延暉行穿豪籠倚孤  
陴霜風飄蕭吹我衣高林滿郊目四圍雲起日落晴  
烟飛感今念往聊久之埤垵昏黑羣鷗歸

金桃

雨染烟蒸萬實垂丹硃為骨菊為衣客疑麗水新淘  
得人向瑤池舊帶歸只恐壓枝星欲落最怜和菜露  
初晞銀瓜玉李君休並此品仙家亦自稀

房公湖

一頃清波四面平宛然唐相舊經營高秋林木形容

老落日樓臺綵繪明有景可尋蘭擢遠無幽不入竹  
橋橫二年所得官居樂肯厭頻來緩帶行

錦雞

高原濯濯弄春暉金碧冠纓綵繪衣石溜瀉煙晴自  
照巖枝橫月夜相依有時教宰盤跚舞忽地鈎輶格  
磔飛鸞語人間用繪繳瑤臺鸞鳳好同歸

竹櫻

秀榦扶疎綠檻新琅玕一束淨無塵重苞吐實墨黃金  
穗密菜園條碧玉輪凌犯雪霜持勁節遮藏烟雨長  
輕筠此名未入華林記誰念西南寂寞春

無爲山寺

一絙危磴遠崢嶸上徹幽深入化城烟外川原誰繡  
畫雲中樓閣自陰晴老僧高論都無著古佛真身宛  
若生聞道軍持新呪水願傾涓滴洒塵纓

劍州東園

羣峰高擁碧嶙峋亭宇清華氣象新兩岸烟雲先向  
日一林花木暗藏春溪明夜閣軒窓月風斷晴橋井  
邑塵好酒滿樽詩滿軸主人曾不倦行人

運判南園瞻民明

青都高與紫霄通獨此危欄望不窮萬嶺過雲秋色

裏一峰擎雪夕陽中欄楹曉落天蒼月牕戶晴吹石  
闕風民吏安閑財賦足管絃時復在層空

讀淵明集

吏人已散門闌靜公事未休耳目清牕下好風無俗  
客案頭遺集有先生文章簡要惟華袞滋味醇醲是  
太羹也待將身學歸去聖時爭奈正升平

張次公大博歸閣中

制詔頻來試玉京清途猶自滯豪英策高三道竟何  
用恩拜二親方爾榮祗阮襟懷終曠達儀秦才術本  
縱橫閣中勝事知無限且向城南爛熳行

寄成都監庫石屯田遠叔

一年同住夾城中  
小圃高齋幸見容  
吟盡物題春唱  
和講窮人事夜過  
從尋待去門前約  
訪古邀回道上  
逢別後西樓不堪倚  
滿川林木暮雲重

宿隆平精舍

萬木羅青蓋  
雙峰敞翠屏  
風埃愁客路  
鐘鼓喜禪扃  
下馬穿蒙密  
隨僧入杳冥  
俗襟如見濯  
試爲瀉銅餅

弭蓋亭

弭蓋長亭下  
軒窓慰客心  
田塍交遠日  
水壩瀉清襟  
北道雲千里  
西山雪萬尋  
塵衣無柰拂  
去騎復駸駸

什邡道中

驅馬下遙川  
殘陽促晚鞭  
高林夾廣道  
亂水入平田  
封落晴如畫  
桑林晝起烟  
飛鴻正南下  
歸意滿雲邊  
夜思寄蘇子平秘丞

西湖

亂竹敲風遠  
高松過雨涼  
檢書防落燼  
下幕恐遺香  
好月娟娟上  
輕雲苒苒長  
端令阻佳客  
不得共清觴  
丞相淹回地  
光容滿落暉  
池塘存舊夢  
城郭歎前非  
煙靄陰晴出  
鳧鷖遠近歸  
松風殊有意  
猶欲下金徽

猿

岷嶺高無敵來從第幾層攀緣殊不倦趨捷爾誠能  
晚嘯思危石晴懸憶古藤王孫非汝類只可以文憎

幽沼

促促開幽沼涓涓引細渠無由安島嶼才可活龜魚  
秀苻新宜食圓荷淨好書時來坐高柳濯足蔭扶疎

步月

掩卷中庭月色浩如水秋氣涼滿襟松陰密鋪地  
百蟲催夜去一鴈領寒起靜念忘世紛誰同此佳味  
中秋對月懷寄鳳凰山鄧道人

有客千巖萬壑中綠毛丹臉紫方瞳不知今夜西樓

月幾處飛山下碧空

秋月晚晴呈同院

秋風淅淅吹碧虛白雲鱗鱗如臥魚共君今夜賞明  
月興來誰欲騎蟾蜍

戲呈鳳凰長老用師

七十頭陀會語言舌根流利口闌珊羅浮居士最難  
柰穩把無絃琴與彈

郡學鑠宿

長栢高栢蔭廣庭夜涼人靜夢魂清不知山月幾時  
落每到曉鐘聞雨聲



子平某負茶墨小章督之

睡憶建茶斟激澀盡思克墨潑淋漓可於二物俱無  
有記得南堂某勝時

長安李晦叔醉老菴

醉老名菴晦叔爲菴中長是醉淋漓扶頭未得日過  
午門外萬端俱不知

和邵興宗某聲

二客與某酬寒聲滿側楸急因隨行發斷爲見遲休  
花下鶯翻翼林間鶴轉頭丁丁竹樓下不獨在黃州

九卷終

新刻石室先生丹淵集卷第十

文同著

詩二十三首

續青城山四詠

昭慶觀

琳崖盤玉霄彩翠接步武雲霞不可盡泉石固難譜  
神幢逾百尋帝轍歷萬古靈瀑誰與窮長飛六時雨  
天倉山威儀觀

群峯削瓊瑤老蘚抹古綠應朝大嶠去簪笏儼相逐  
珠宮秘仙仗錦笈藏寶錄上帝此爲倉其田堪種玉

飛赴寺

平林露層巘上獨置孤寺群仙馭飛駕往往赴於此  
風高幡影亂日落鍾聲起誰可謂詩豪興來吟萬紙  
香積寺

道陰轉詰曲山深愈巘岈行松耳目清入竹襟袖寒  
殿閣紅芙蓉崑巒碧琅玕高僧把金字擁衲對雲看  
夏秀才江居五題

枕流亭

爰此煙景佳開軒故臨水晴暉照寒浪飛影動牕紙  
倚檻見魚游卷簾知鴈起憔悴笑湘纍區區詠蘭芷

闔碧亭

雨餘山景鮮風定水光好晴陽破宿霧秀色濃可掃  
平時一樽酒野客共傾倒朝暮山水間年華不知老  
天隱洞

層崖削青瑤誰昔此鑄鏤潭潭闔孤洞中可百人受  
巘岈列岫繞洶湧大江漱虞卿方著書入此幾年就  
直鈎磯

盡知人鈎曲獨見君鈎直年年此磯上萬掣無一得  
持竿只自苦吞餌何嘗識試効人所爲君魚不勝食  
醉經庵

垂茅緝爲庵有類穹廬形之人伏其中日醉乎群經  
世俗安爾知但謂長不醒寄此語二豪渠非彼劉伶  
寄題杭州通判胡學士官居詩四首

鳳味堂太史書言官居在鳳凰山下此山真  
如鳳有兩翅翅上各建一塔而鳳嘴正落所  
居池上舊有一堂在山欲落處近葺之謂之

鳳味堂因而求詩四詩為子瞻賦今易以胡  
侯豈黨禍未解故竄易失

真

胡侯外補來錢塘所居之山名鳳凰不知元本發何  
處虵頸魚尾盤高岡婆娑欲下大江飲萬里一息頭

低昂誰將屠蘇壘兩翅直使帖地不得翔前人眼俗  
不知顧會有賢者衆形相怜汝困欲共汝語故近汝  
味營斯堂起居飲食不離上外孰有耳聽琅琅應云  
汝德未衰在旦暮可起鳴朝陽

濺玉齋又言山上草中多恠石近取得百餘  
株於東齋累一山激水其間謂之濺玉齋

石林

森

森座隅激水注射成飛渠寒音琤然落環

珮爽氣颯爾生庭除主人清標自可敵底處勝槩爲  
能如想君不欲時暫去其餘滿案堆文書

方庵又言堂後有屋正方謂之方庵同按釋

名庵園屋也

衆人庵蓋圓君庵獨云方君雖樂其中無乃太異常  
勸君利其用使稱著月牀自然制度穩名號亦可誇  
東西南北不足辨左右前後誰能防願君見聽便如  
此鼠蝎四面人恐傷

月崑齋又言累石爲山上有一峯穿竅如月

謂之月崑齋

詩中子平  
卽子瞻也

月爲太陰精石亦月之類月常寄孕於石中事理如  
此何足異天地始分判日月各一物旣名物乃入形  
器安有形器不消沒况此日與月曉夜東西走珠流

壁轉無暫停豈與天地同長久其爲勞苦世共知惟  
是月有生死時旣然須常換新者人但不見神所爲  
日須天上生月必地中產君不見鄱州朱陽縣之山  
谷間纔成未就知何限石有不才者徃徃其卵蝦靈  
媪棄置不復惜任人取去爲珍玩佳者留之待天取  
藏滿庫樓千萬許彥瞻博物天下稱更無定不以予  
之說爲竊語予恐世人不知嵩丘崑洞中中有八萬  
二千脩月戶其所食盡玉屑昔有王生見之滿襍  
提斤斧應是當年靈鷲山直自天竺飛落西湖前其  
上有石姓月月已滿此人竭來就彼剗剔歸上天所

以此石拆齶不復合至今神胞所附之處其痕圓拋  
擲道傍凡幾歲風刷雨淋塵土穢子平一見初動心  
輦致東齊自摩洗更選他山相擁列就中獨爾一峯  
最奇絕每至瑤魄流光下照時玉柱橫欹無少缺子  
平謂我同所嗜萬里書之特相寄邀我爲詩我豈能  
窓前累日臨空紙遙想崑前寶穴通玉蟾從此去無  
蹤請君爲我細書字側名爲月母峯

寄負文饒屯田

英英文饒江漢士何者天教喪眸子用心專一性轉  
明無所不知餘兩耳能爲樂府勝張籍暗誦史書過

杜顥弃官新自荆渚歸萬里逆風衝峽水峩峩全家  
載巨編坐臥吟詩滿千紙自言從此生事足可了等  
粟及麻臬數椽舊屋菽風雨一榻蕭然容隱几丘明  
國語浩如雲子夏門人紛若蟻向人問口誇舌在道  
義文章吾豈已自知俗事無所觀便落雙睛君亦喜  
奉送少訥還青神

濕雲堆空洩淫雨與三嵎氣相軋春陽沈伏不得動  
萬木屈蘖草藏茁叢岡複嶺誰敢度旦暮寒鷄叫泥  
滑少訥胡爲犯此苦特念我困來省察延之累日對  
佳話如待大饗聽控揭彥瞻弟兄別已久使我心胸

昏莫刳天將少訥愈我病次第爲取蹊茅拔長編巨  
軸寫治亂筆墨揮灑何橫猾詞章直如子長健辯論  
不比仲連黠我慙無琴類師曠鶴誤銜珠換二八酌  
泉煮蔬共家饌敢用俗禮費烹殺少訥忽爾道其去  
歸轅在途不可握此懷作惡定數日憤憤已覺漸磨  
戛欲留少訥意無盡更爲逡巡捥西轡

送無演歸成都

曾讀契嵩輔教編浮屠氏有不可忽後於京師識懷  
璉彼上人者尤奇偶余嘗從容問其友璉後爲餘道  
居訥是三大七寸過人所畜豈肯吾儒屈文章汪洋

道義富不止區區事其佛余思此等更誰似蜀有人  
焉頗超越成都敏行字無演所謂萬星中一月想嵩  
璉訥見須避不爾徃徃被呵叱通禪曉律兩無導前  
會定預耆闍崛群經列史固汗漫獨泛其深仍出沒  
外之所精者書畫不問不語常若吃計其夏臘殊未  
幾在大衆中誠突兀余守陵陽至窮陋雨浸一春泥  
汨汨英礫硤礧磴道崦行客欵歇上嶺峯無演衝冒  
獨不顧來款余門手持謁呼之使前見已喜相負圓  
滿藏神骨退之神骨送澄觀詩有坐清譚坐久愈飄灑頓  
遣塵襟落如拂新詩古文覽喜貺氣格俊徒凌霄鷲

觀其衮衮出論議收欽便可與簪笏試將邀之使從  
仕笑指此頂安更髮日招與語自無厭何乃告去苦  
倉卒西城曉日照高嶺倒搭乾陀入深樾師歸常宜  
見嘉祐此老心中已無物好音相與頻寄惠余在空  
山正伊鬱

閻君見示岷山賦因為小詩謝之

大岷西南鎮崑壑天下秀厥初造此者以作神仙囿  
相如子雲沒李杜繼其後欲賦俱未敢於詞怯輕構  
閻君通方士才力誰可闢驅騶入徒筆萬狀無一漏  
駸駸語趨勁駿馬雜馳驟太華楊已拙天台孫亦謬

示余讀數過驚聳肩縮胆勉為成短章聊酬君意厚

閻生談黃庭

茫茫誦靈文誰為抉久瞽不能辨三一豈復更知五  
方迷得真指忽悟有奇觀自此日相親赤龍交黑虎

送范堯夫

迷還走閭巷都人起中霄相擁候府門惟恐失此朝  
盡言來送公車馬城北橋橋邊脂轄亭大尹此相邀  
歌管盛宴集簪裾合群僚四座酒既行相顧魂已銷  
亭前有楊柳秋風減長條折以持贈公莫厭霜葉凋  
節物雖謂晚比春情更饒遞起歡公飲雙呼金翠翹

豈徒要公醉恐公遽乘輅借問何爾爲重公若瓊瑤  
美質未省變與人存久要旣莫不可留征衫遂飄飄  
鳴騶過昇遷群昨鬧如蜩感公來二年免我於無聊  
今公舍我去何由借諸朝願公富且貴壽命等松喬  
直似先公令巍巍佐唐堯涕淚逐君行不憚公更遙  
公誠上下通和如奏笙簫所以得如此人情不相遼  
嗟同繆與公一時赴弓招于今二十年不見有所超  
前日荷君相與印垂之腰使歸守山郡藏伏其寂寥  
聞公將治行乃心自夜搖恨不能送公俛首類酸痛  
徒爲送公詩有如草蟲嚙強勉寫之去憂來立危譙

推官惠李庶子鄂州篆字

天下有奇篆陽冰書鄂州異獸呀五口狂咬掉三頭  
礫砢玻瓈盃詰屈珊瑚鈎愧無希世寶何以爲子酬  
和提刑度支王店鷄詩

王店有郵吏養鷄殊可笑昂然處高襟不肯以時臨  
官有宿此者西征待初曉鷄竟不一鳴問吏吏已告  
云此寂荒絕左右悉蓬蓼狐狸占爲安恣橫不可道  
前此三四鷄一一遭其暴尋聲卽知處盡獲瓜牙禍  
自後始得此其若有人教東方或未明群醜尚騰趨  
此鷄但鉗結直伺太陽耀雖然謂失旦似得保身要



官曰此何用不然則宜糶不見不鳴鴈先死蓋自召  
天下已明白豈假更喧鬧徒爾費稻梁曾莫知所報  
吏云官言是且願忽嘲諷知是本在人此物何足校

送李道士

先生若孤雲兩在隆山見清標瘦彌聳秀骨老愈健  
高談吐深詣大句寫精鍊忽起憶鵝池岳飛石泉濺

送韓山人

昌黎山人抱藜杖三度訪我於三隅端然入座更誰  
顧談辯袞袞如流珠靈丹嘗疑日月出至寶自產乾  
坤墟要行撒起不可逐安得覆鳥爲飛鳧

卷一